

最新  
蘇州遊覽指南



最新  
蘇州遊覽指南

第一 蘇州概說

一 沿革

吳本荆蠻。未通上國。自泰伯奔吳。以周禮化民。俗乃丕變。吳王闔閭。始築都城。故有闔閭城之號。秦漢置會稽郡。後漢置吳郡。隋開皇置蘇州。蘇州之名自此始。元改平江路。明爲蘇州府。清因之。爲江蘇省治。分吳縣長洲元和三縣。光緒間。馬關條約。闔城南青陽地爲租界。東爲各國租界。中爲日本租界。西爲商

務公司地界。乃吾國自關之商埠也。民國建立。省會移寧。併長洲元和二縣。暨太湖靖湖二廳。統稱吳縣。實則西南臨太湖界浙江者。爲吳縣舊境。今吳縣境地。東西廣二百有六里。南北長二百四十四里。

二城門

〔今〕

閶門

（在城西）

胥門

（在城西南）

盤門

（在城南）

葑門

（在城東南）

婁門

（在城東北）

齊門

（在城北）

本爲以上六門。後因利便交通。又特闢二門。爲八門。一曰平門。一曰新闔門。新闔門初名金門。闢後。適甲子江浙戰禍。蘇人迷信。因謂金、兵也。遂歸咎於命名之不祥。且將城門方向稍變。爲新闔門。周三十六里。

平門

（在闔門齊門之間）

新闔門

（在闔門胥門之間）

〔昔〕

闔闔城。周敬王六年伍子胥築。大城週四十二里三十步。小城八里二百六十步。陸門八。以象天之八風。水門八。以象地之八卦。吳都賦云。通門二八。水道

陸衢是也。

西閶胥二門。南盤蛇二門。東婁匠二門。北齊平二門。不開東門。爲絕越故也。閶門亦號破楚門。吳伐楚。大軍從此門出。陸機詩曰。閶門勢嵯峨。飛閣跨通波。又孔子登山。望東吳閶門。歎曰。吳門有白氣如練。今置曳練坊。望館坊因此。胥門。本伍子胥宅。因名。石碑見存。出太湖等道。水陸二路。今陸廢。門南三里。有儲城。越王貯糴處。十五里有魚城。吳王養魚處。門西南五里有越來溪。

盤門。古作蟠門。嘗刻木作蟠龍。鎮此厭越。又云。水陸相半。沿洄屈曲。故名盤門。又云。吳大帝蟠龍故名。門內有武烈大帝廟。東南二里。有後漢破虜將軍孫堅墳。又有討逆將軍孫策墳。

蛇門。南面有陸無水。春申君造以禦越軍。象地形。因號蛇門。



匠門。又名干將門。東南水陸二路。今陸路廢。出海道。通大萊。沿松江。下滬濱。闔閭使干將於此鑄劍。門南三里有葑門。赤門。赤欄將軍墳其東。故名赤門。赤門東南角。又有魴鱖門。吳曾魴鱖見。因號。竝非八門之數也。

婁門。本號膠門。秦時有古膠縣。至漢王莽改爲婁縣。東南二里有漢吳郡太守朱梁墳。今吳郡朱氏皆梁之後。

齊門。北通毗陵。昔齊景公女聘吳太子。齊女喪夫。每思家國。因號齊門。

平門。北面有水陸通毗陵。子胥平齊。大軍從此門出。故號平門。東北三里有殷賢臣申公巫咸墳。亦號巫門。西北三里有醬醋城。漢劉濞築。

三街道

城內東西幹路

白塔子巷

- (一) 桃花塢北街婁門大街
- (二) 閶門內西中市東中市都亭橋接駕橋古市巷東西
- (三) 道前街府前街衛前街十梓街嚴衙前天賜莊
- (四) 侍其巷三多巷書院巷大太平巷十全街葑門大街

城內南北幹路

- (一) 皋橋起吳趨坊學士街
- (二) 崇真宮橋起中街路養育巷司前街駙馬府堂前
- (三) 河沿街道堂巷王天井巷西美巷
- (四) 北寺塔起護龍街三元坊
- (五) 齊門大街臨頓路
- (六) 倉街
- (七) 平江路

城內各幹路。現已動工拆屋。放寬道路。以通行汽車。

城外馬路幹路

(一) 火車站至閶門石路口

(二) 石路口至胥門由斯街口

(三) 由斯街口至盤門

(四) 盤門至覓渡橋

城外街道幹路

(一) 閶門南濠街北濠街山塘街上塘街下塘街

(二) 胥門棗市

(三) 齊門外大街

(四) 婁門外大街

第二 城內名勝

一 閶門內



### 遂園

前門在慕家花園。後門在申衙前。自閶門進城。人力車約一角。時間約廿分。內設游藝場。園資暫收兩角。茶資每壺一角。

遂園在閶門內。本清巡撫慕天顏所築。俗稱慕家花園。既而歸汴人席椿所有。其後畢尙書沉割其半。餘屬滇人劉氏。名曰遂園。臨池有映紅軒、綠天深處、容閒堂、琴舫、逍遙、容興諸室。池頗廣。植荷多名種。春夏間。往往附設說書戲劇等雜藝。游客絡繹也。

### 環秀山莊

在申衙前。卽遂園斜對面。俗稱汪義莊。不售門券。給閱者以名刺。便可納入。

環秀山莊在黃鸝坊橋之東。卽汪氏耕蔭義莊也。本爲清相國孫補山舊宅。道光中。始歸汪氏。疊石曲折。不亞獅林。有問泉、補秋舫等築。又有飛雪泉。雨時

急溜直瀉。有似瀑布。尤爲奇景。庭植婪尾一。春時花發。殊爛熳云。

**七襄公所** 在寶林寺東文衙里。自閶門進城。人力車約二百文。不納游資。由關者引入。略給酒錢。

**七襄公所** 爲文徵明舊宅。池多芙蕖。來自瀟湘七澤間。珍貴殊常。他如愛蓮窩、紅鵝館、乳魚亭、博雅堂、荷花廳、聽雨雙聲室。皆可駐閒蹤也。

**神仙廟** 在桃花塢。自閶門進城。人力車約一角。每年惟四月十四日最熱鬧。平日無甚可觀。

**神仙廟** 卽福濟觀。宋淳熙間建。初名巖天道院。元至大間重建。賜額福濟。屢遭災燬。同治十年復建。每歲陰曆四月十四日呂祖誕。香火頗盛。稱之爲軋神仙。沿途多賣小龜者。曰金錢龜。

## 北寺塔

在護龍街北。香花橋堍。自閭門進城。人力車約一角半。時間約半小時。近關平門。從平門來更便。每人納一角售籤。憑籤登塔。開放時刻。上午八時起。下午五時止。黑暗處由寺僧點燭。

北寺塔。在報恩寺內。寺爲吳赤烏中孫權母吳夫人捨宅建。或云孫權乳母陳氏捨第爲寺。其地故有塔十一成。再建再燬。宋紹興末。行者大圓重建。始去其二級爲九成。明隆慶中不戒於火。僧如金重建。塔後門額。署曰三吳首刹。大殿之左爲觀音殿。右聖母殿。後庭兩旁。曰五觀堂。迎賓堂。中曰古銅佛殿。再後曰梵香堂。額曰發海潮音。登塔眺望。近則全城市街。遠則西南山巒。悉在眼簾矣。

★

★

★

★

★

★

★

二 盤門內

滄浪亭

在城內三元坊。從閶門去。人力車約三角。時間約三刻鐘。胥門去。人力車約一角半。任客游覽。無須門票。

滄浪亭。在盤門內。爲廣陵王元璩別圃。或云其近戚吳軍節度使孫承祐所作。宋蘇舜欽得之。傍水作亭曰滄浪。紹興時。爲韓蘄王所有。由元至明。廢爲僧舍。明嘉靖間。因其址建韓蘄王祠。釋文瑛於大雲庵旁復爲滄浪亭。清康熙間。又建蘇公祠。商邱宋瑩尋訪遺跡。復構亭於山巔。得文徵明隸書滄浪亭三字額。咸豐間燬。同治十二年。巡撫張樹聲重建。近由吳子深修葺。煥然一新矣。右爲美術專門學校。前有石坊。額曰滄浪勝蹟。一池頗廣。植荷殆徧。跨以石橋。門

面北。額曰五百名賢祠。祠之東偏爲面水軒。又東爲靜吟亭。屏門上勒方綺書。宋蘇舜欽滄浪亭記。積石當其前。東西互數丈。巔有亭。卽滄浪亭也。額爲俞曲園書。由亭南下。爲明道堂。堂之東北。爲瑤華境界。見心書屋。與靜吟亭通。堂之西南。有小樓一座。曰看山樓。中祀二程夫子。下爲印心石屋。西爲翠玲瓏館。又西爲宋蘇長史祠。北卽五百名賢祠。壁間刻五百名賢像。餘若清香館。聞妙香室。在西偏。皆臨水而築。其中石刻。有康熙賜吳存禮詩及楹聯。乾隆十二年御書江南潮災歎。御題文徵明小像。宋蘇舜欽留別王原叔詩。道光中陶澍滄浪亭五老圖詠。朱珔七友圖記。楊鑄論詩圖題詠。歐陽修歸有光記。及康熙重修各記。有滄浪新志一書。詳述滄浪之勝。書乃蔣吟秋繼宋牧仲而葺。都若干萬言。任客購閱。

可園

在滄浪亭對門。不售門券。

可園以梅著名。有博約堂、浩歌亭諸築。中央大學區立蘇州圖書館附設其中。藏書二十三萬餘卷。陶小沚主其事。設備殊完美也。

三 婁門內

獅子林

在城之東北隅神道街。後門在潘儒巷。自閶門去。人力車三角。

時間約一小時。惟須有熟人名刺。始得納入。

獅子林爲天如禪師倡道之地。中多奇石。狀若狻猊。石洞螺旋。人游其中。迷於往復。倪雲林曾繪爲圖。清時黃氏購之爲涉園。今爲貝氏有。重加修葺。煥然一新矣。中有修竹谷、玉鑑池、指柏軒、問梅室、臥雲室、獅子峯、含暉峯、吐月峯、冰



壺井、小飛虹、大石屋、立雪堂等。皆稱勝景。山上有大松五。故又名五松園。

### 拙政園

在婁門大街。從閶門去。人力車約三角。離獅子林不遠。園資半

角。茶資酌給。夏日盛行早茶。

拙政園。在婁門內。明嘉靖時王御史獻臣。因元代大宏寺基。治爲別墅。文徵明曾爲圖記。後歸里中徐氏。清初海寧陳相國之遴得之。中有連理寶珠山茶。花時綰紅可喜。吳梅村有長歌以詠之。後沒入官。旋爲吳三桂壻王永寧所獲。清咸豐間。爲太平天國忠王府。同治八年。始改爲八旗奉直會館。入門有巨藤。乃文衡山手植。內有遠香堂、南軒、香洲諸勝。香洲懸有吳梅村山茶歌。遠香堂北。池中築屋一。署曰雪香雲蔚。最高處。有勸耕亭、荷風四面亭。園西北沿邊皆廊。循廊可至擁翠亭、藕香榭、瀟湘一角。後面臨水多竹。東部曰梧竹幽居。曰繡

綺亭。曰半窗梅影。枇杷園在園之東南。湖石巧疊。有屋曰玲瓏館。其西。卽遠香堂矣。

惠蔭園 在臨頓路南石子街。距觀前不遠。從閭門去。人力車約二角餘。時間一小時。園資半角。茶資酌給。

惠蔭園。在南石子街。中有桂苑。叢桂山莊。因繞屋俱桂樹也。巖洞中瀦水。架以石橋。稱小林屋。洞上有虹隱樓。登之。全境悉在目前。

## 四城中

玄妙觀 在城之中心。爲最繁盛之區。從閭門去。人力車約一角半。時間約三刻鐘。

玄妙觀。創建於晉咸寧。名真慶道院。唐曰開元宮。宋曰天慶觀。元至元間始改今稱。明洪武間修和希夷兩觀。皆併入。且建彌羅寶閣。清初修葺。民國元年。彌羅寶閣燬。今所存者爲三清殿、天王殿、東嶽殿、壽星殿、蓑衣真人殿、祖師殿等。甬道兩旁。百戲雜陳。又多小販之攤。與首都之夫子廟。上海之城隍廟相似。觀之西曰觀西大街。觀之東曰觀東大街。以醬鴨著名之陸稿薦。以瓜子著名之稻香村。以脆松糖著名之采芝齋皆在焉。脆松糖乃大詩人蘇玄瑛所稱許。尤爲名貴。

### 怡園

在護龍街尙書里內。爲顧氏私產。然門禁不嚴。給閹者以名刺。便可納入。茶資酌給。從閨門去。人力車約一角半。時間三刻鐘。

怡園。爲方伯顧紫珊所建。入園有一軒。署瓊島飛來四字。蓋庭前植有牡丹。